



UNIVERSITÄTS-
BIBLIOTHEK
PADERBORN

Universitätsbibliothek Paderborn

Quotidiana Christiani Militis Tessera

Stanyhurst, Guillaume

Coloniæ Agrippinæ, 1710

4. Dies Januarii. Ordo est, Quem si tenuerimus in vitâ, perducet ad Deum, quem nisi tenuerimus in vita, non perveniemus ad Deum.

urn:nbn:de:hbz:466:1-45477

lentum; post horam igitur? vel hora nimis erit longa mora. Quando ergo? Audi loquentem, sequere præeuntem (a) *Dixi: nunc capi.* Non differam in crastinum, non in sequentem Horam, non ad momentum temporis; sed hoc loco, hoc momento, nullâ interpositâ temporis mora; denique non paulò post, incipiam, sed *nunc capi.* Tale sit & tuum decretum. Nunc cum est dies salutis, nunc cum favet tempus, quod est acceptabile, ætas quæ floret, valetudo quæ est integra, dum Cælum promissum mihi in præmium: Hodie non incipiam, nec cras, sed jam *nunc capi.*

Per multum cras, cras, tandem dilabitur ætas.

4. DIES JANUARI.

Ordo est, Quem si tenuerimus in vitâ, perducet ad Deum, quem nisi tenuerimus in vita, non pervenimus ad Deum. *Aug. l. 1. de ord. c. 9.*

In omnibus
servandus
Ordo.

I. **R**erum principium tenere in rerum successibus principatum, fuit hesternæ Telsæ argumentum. Sed ne in principio devies ab eo qui est principium, sit tibi princeps labor servare ordinem. Nee enim qui venisti à Deo, pervenies ad Deum, nisi beneficio ordinis. Ut hunc serves, quid sit ordo observes. (b) *Ordo est dispositio plurium tribuens unicuique quod suum est.* Graviter necesse est tibi

(a) *Psal. 76. 11.* (b) *Gerson T. 4. de fine terminor.*

Januar.

Tessera.

9

tibi imponas, nisi graviter omnia suo ordine disponas. Nec unquam eris tuus, nisi tribuas unicuique quod est suum. Servandum esse ordinem in omnibus docent omnia (a) *Ordo caelestia & terrestria continet. Ordo in iis quae sensu percipiuntur, ordo in Angelis, ordo in astrorum motu, magnitudine, mutua relatione, splendore. Ordo in anni partibus, & temporibus, aptè & distinctè tum progredientibus, tum recedentibus. Ordo in diei ac noctis mensuris, & intervallis. Ordo in elementis ex quibus corpora constant. Ordo calum in orbem duxit, aërem exporrexit, terram supposuit, humidam naturam fudit, atque in unum locum contraxit: ventos emisit, aquas in nubi- bus astrinxit. Itaque in omnibus servavit ordinem auctor ordinis. Unde rogatus Themistius, quod esset proprium opus Dei? scitè respondit: [b] Omnia ex sua confusione, & perturbatione, ad ordinem suum revocare.*

II. Contra, ordinis defectus, est certus rerum interitus. De hoc idem Gregorius. (c) *Sine ordine perturbatio, & confusio; in aëre tonitrua, in terra motus, in mari naufragium, in urbibus bella, in domibus dissidia, in corporibus morbi, in animis Peccata. Ruit sine ordine Megalo-cosmus, & stabit sine eo microcosmus? quid est homo sine ordine, nisi corpus sine capite? non tam homo, quam monstrum hominis. Si sit in vita tua rerum chaos & confusio, eris (d) filius confusionis. Ordinis est vitium ancillam dominari, & Dominam ancillari. Ut ergo sit ordo, sublit corpus animo, animus Deo. Qui ambulas supra ter-*

A 5

ram,

[a] Greg. Naz. orat. 26. [b] Orat. 14. pag. 333.

[c] Supra cit. [d] Proverb. 10. 5.

ram, noli te dimittere infra terram. Si tui invettiges originem, illa te docebit ordinem Rogatus unde sis? cogeris cum Christo respondere, si verum velis fateri: (a) *Ego de supernis sum.* Quid ergo quæris in terra deorsum, cum sit (b) *Deus in cælo sursum?* qui es sublimi in cælum aspectu, noli esse declivi in solum affectu. Te perdes, nisi in te ordinem serves.

III. Serva ordinem in animi tui politia, qui servatur in Republica. Ubi liberi parentibus, servi heris, clientes patronis, discipuli magistris, indocti sapientibus, viles nobilibus, pauperes opulentis, plebei Magistratui, Magistratus Consuli, hic Principi se submitunt. Sine hoc ordine venustas Reipublicæ perit. Imo Respublica ipsa interit. Idem tibi metue, si non disponantur omnia ordine. Habeat in hoc ordine quodlibet opus, suum tempus, & quodlibet tempus suum opus. Hæc si inter se sint connexa, & hærentia, & instar catenæ suis annulis egregiè composita, musicam veluti quandam efficient resonantem, quæ suo decore tenebit omnium oculos, rapiet animos. Sine hoc ordine erit in omnibus actionibus fluctuatio, in negotiis hallucinatio, in omnibus funesta confusio. Hoc malum si putes leve, fies tibi metipsi gravis: nam juxta vetus metrum:

Inordinatus animus, poena sibimet sua.

(a) *Joan. 8. 23.* (b) *Deut. 4. 59.*

* * *
* * *

5. DIES